

ՀԱՅԱՍՏԱՆՈՒՄ ՔՐԻՍՏՈՆԵՈՒԹՅՈՒՆԸ ՊԵՏԱԿԱՆ
ԿՐՈՆ ՀՈՉԱԿԵԼՈՒ 1700-ԱՄՅԱԿԻ ԱՌԹԻՎ

ՀԱՅԱՑԱԾ ԱՍՏՎԱԾՈՒԽԾԸ ԵՎ ԱՆՈՐ ՊԱՏՄԱԿԱՆ
ՏԱՐՈՂՈՒԹՅՈՒՆԸ*

ՆԻԿՈՂԱՅՈՍ ԱԴՐՆՑ

Հայացած Աստվածաշունչը, որուն հազար հինգհարյուրամյակը կտոռնենք, տարեկից է լատին թարգմանության, որ ծանոթ է Վուլկաթա անունով: Արդարէ՝ 392-ին է, որ ս. Հերոնիմոս որոշեց լատիներենի թարգմանել Հին կտակարանի երբայեցերեն բնագիրը և իր այդ աշխատությունն ավարտեց 405-ին: Ճիշտ նույն միջոցին է, որ ս. Սահակ և ս. Մաշտոց կատարեցին իրենց անմահ գործը: Մաշտոցի հետազոտությունները հայ այրութենն ստեղծելու համար, 392-ին սկսված, ավարտեցան 403-ին. այս թվականին, ոչ միայն տառերը պատրաստ էին, այլև Սուրբ Գիրքը, գելթ մասմբ, թարգմանված էր արդեն:

Անոնք, որ Աստվածաշունչը հայացնելու ազնիվ աշխատանքն ստանձնած էին, չէին կրնար երևակայել, որ իրենց գործին տարեգարձը օր մը պիտի տոնվեր պանդիստության մեջ, լատին մշակույթի հետափոր հողին վրա, ուր առաջին հայ մը եկած է այն դարուն, իսկ երբ լատին թարգմանությունը կկատարվեր, *Arbanaeus* (Երվանդ) անունով մեկը, որ իրը նահանգապետ Գալլիան կառավարեց 464-են և 469-ը: Քմահաճ գիպվածը այսպես մեզ կգնե տարեգարձներու եռյակի մը առջեւ, տարեգարձը հայ Աստվածաշունչին, լատին Աստվածաշունչին և հայոցս այս երկրին մեջ բնակի սկսելուն:

Վուլկաթան լատին երկիրներուն համար չունեցավ այն կարևորությունը, զոր հայ Աստվածաշունչն ունեցավ հայ ժողովուրդին համար: Լատին գրականությունը շատոնց ի վեր գոյություն ուներ, երբ Վուլկաթան երկցավ, մինչդեռ հայ Աստվածաշունչը սկզբնավորությունը եղավ հայ գրականության, սկզբնավորությունը նոր թվականի մը, ուր հայ ժողովուրդը, առաջին անդամ ըլլալով գրիչ ի ձեռին իր տեղը կուգա գրավել լուսափորյալ մարդկության մեջ:

Հայ Աստվածաշունչը ազատեց հայությունը իրանական աշխարհին մեջ ձուլվելու վտանգեն: Ամրացուց քրիստոնեությունը Հայաստանի մեջ, և իսչին ճառագալիքները հակառակեց հարձակողական մաղդեղականության

* Սույն աշխատությունը «Աստվածաշնչի» հայերեն թարգմանության 1500-ամյակին նվիրված Հոբելյանական նստաշրջանում (Սորբոն, 29 մարտի 1936թ.) Ն. Ադոնցի կարգացած Քրանսսերեն զեկուցման հայերեն թարգմանությունն է (տե՛ս «Անահիտ», 1936, հմմտ. «Յուշարձան», ժողովածու, Երուսաղեմ, 1938): Հրատարակում ենք կետադրական և ուղղագրական աննշան շտկումներով: Տողատակի ծանոթագրությունները «Անահիտ» խմբագրությանն են (պատմ. գիտ. գոկտ. Պ. Հովհաննիսյան):

կրակին: Հայաստան վերջնականապես փոխվեցավ էականորեն քրիստոնյա դաշտի մը և այլևս այդպես մնաց դարերու ընթացքին:

Երկրին բարոյական ու մտավորական վերականգնումը բնականարար արթնցուց ճշմարիտ ազգային գիտակցությունը: Պետք չէ մոռանալ, թե հայ Աստվածաշունչը երկցավ Բյուղանդիոնի և Պարսկաստանի միջև Հայաստանի բաժանումին անմիջապես հետո, որուն հետևեցավ քիչ հետո Հայաստանի թագավորության անդարմանալի կործանումը: Այնուհետև զոյլություն ունեցան երկու Հայաստաններ, մին բյուղանդական, մյուսը՝ պարսկական, ազգային մարմնի մը երկու հատվածները, որոնց յուրաքանչյուրը դեմք տարրեր ճակատագիր մը կը դիմեր:

Հայոց պատմական կյանքը պարզվեցավ երկու տարամետ ուղղություններով, զոր կարելի է կերպով մը նկատել իր աստվածաշնչական ոգվույն երկու այլազան արտահայտությունները:

Կ ուզեի քանի մը խոսքով անդրադառնալ այս կրկնակ հոսանքին վրա, հանելե առաջ ատկից հետեւություն մը, որ կրնա մեզի օգտակար լլալ: Պարսկական Հայաստանը եղավ վառարանը ազգային մշակույթին: Նորածին գրականության հիմնադիրները սքանչելի կերպով անոր ծառայեցին: Թարգմանությանը այն գրական ու պատմական հրաշակերտին, որ է Սուրբ Գիրքը, հետեւցավ կամ ընկերացավ հայացումը դարուն նշանավոր արտադրություններն ամբող շարքի մը, ինչպիս զովհան Ռոկեբերանի, Իարսեղ Կեսարացիի, Եփրեմի, Ափրագի (Զգոն) գործերու, Եփսերիոսի Քրոնիկոնին և Եկեղեցական պատմության:

Եվ աշա նախախայրիքը ինքնուրույն ստեղծագործության մը՝ Ս. Գրիգոր Լուսավորչի վարքը, Հայաստանի քրիստոնյա թագավորներու պատմությունը, հայ դպրության հոր՝ Մաշտոցի վարքը, կամքի աղատության մասին հնարամիտ տեսություն մը, որուն կը ընկերանա հերքումը քրիստոնեական վարդապետության հակառակ այլասեռ աղանդներու: Այս այնքան հուզիչ մտավորական զարթումը պիտի ընդմիջտ պահե, ինչպես երջանիկ մանկություն մը, իր հրապույրն ու թարմությունը գրական առաջին ներշնչման, և հաջորդ սերունդին կողմէ պիտի համարվի իր ոսկեգալը հայ դպրությանց:

Հոգեկան այսպիսի ծաղկափթթումի մը հանդեպ, պարսիկ իշխանությունները պետք էր բնտրություն մը ընեին երկու քաղաքականության միջև, զոր կը թելագրեին բանիմաց խորհրդականներ՝ կամ բռնաբարել քրիստոնեությունը և կամ զայն բյուղանդական քաղաքականութենեն հեռու պահել, ինչ որ փորձվեցավ:

Հայերը ատկից օգտվեցան ընդմիջտ ամրակությունը և անոր ազգային նկարագիրը վարչական և վարդապետական (dogmatique) տեսակետով:

Եկեղեցին այդ թվականին ոչ միայն պահապանն էր կրոնական գիտակցության, այլև կը նգգրկեր մարդկային մտքի բոլոր արտահայտությունները: Ազգային եկեղեցի մը ունենալ կ'նշանակեր ունենալ սեփական մշակույթ, ինքնահայտուկ լեզու, գրականություն, արքեստ, մեկ խոսքով ամեն ինչ, որ կրոնու ազգի մը հոգեկան կյանքը:

Հայաստանյաց Եկեղեցին աղջային գիծը իր ավատական կառուցվածքին մեջ կ'կայանա: Երբեմնի Հայաստանը կ'ներկայացներ երկիր մը՝ մեծ ու պատիկ քանի մը տասնյակ տանուտերությանց ցանցով մը ծածկված:

Եկեղեցին կազմակերպվեցավ քաղաքական քարտեզին հարմարվելով, հոգեկան իշխանությունը կտոր-կտոր եղավ ու գլխավոր նախարարությանց միջև բաժնվեցավ: Ամեն մեկ իշխան կ'հավակներ ունենալ եպիսկոպոս մը, հոգեոր պետ մը՝ իր կալվածին համար, բոլոր եպիսկոպոսները բացահայտորեն ստորադասված էին Եկեղեցվոր գերագույն պետին, ինչպես և իշխաններն իրենք իսկ կ'ճանչնային գերագահությունը հայ, պարսիկ կամ արաբ թագավորներուն: Հայաստանին անծանօթ մնացած է նվիրապետական համրիչը մետրոպոլիտներու, ինքնավար կամ ինքնագլուխ արքեպիսկոպոսներու:

Եկեղեցին, ավատական ոեժիմին հետ նույնացած, անոր առավելություններն ու պակասությունները կ'յուրացներ: Այսուհանդերձ աշխարհագրական և հոգեոր իշխանությանց միջև ընդհարումները հաճախադեպ չէին, ոչ ալ ծանր: Համերաշխությունը կ'հայտնվեր մասնավանդ արտաքին վտանգի պահուն: Նախարարները Եկեղեցական ժողովներուն կ'մասնակցեին նույնքան իրավունքով, որքան եպիսկոպոսները, և այս վերջինները նախարարներուն կողքին կ'Ենային քաղաքական խոռովությանց միջոցին:

Ատոնք երկու սատարներ են, որ կանդուն պահած են պատիկն այդ երկին, հմայքն այդ ժողովուրդին, որ, նույնիսկ այն շրջաններուն ուր կեղեքված էր, երբեք չէ կորսնցուցած իր արժանապատվության գիտակցությունը և պատրաստ էր իր քաջարի պետերու առաջին կոչին կովի երթալու: Պետք է կարդալ հայ պատմաբանները, գաղափար կազմելու համար այն վստահության վրա, զոր կ'ներշնչին իր իշխանները, այն հիացման վրա, զոր առաջ կ'բերեր անոնց քաջությունը:

Արքայական գահուն անկումն հետո, Հայաստան կ'ունենա շրջաններ խոռովությանց և հեղափոխությանց, որ հաջորդաբար կպայթին, քանի մը տասնյակ տարիներով իրարմե զատված, մինչև այն վայրկյանն, ուր օտար լուծք թոթափկեցավ:

Թ գարու վերջերեն իսկ սկսյալ, կտեսնվին շարք մը իշխանապետություններ, որ մեկը մյուսին ետևեն ոտքի կանգնին, և որոնց ոմանք թագավորություն անունը կկրեն: Ժ գարուն, ատոնց թիվը տասներկուքի չափ էր, և ատոնք ինքինքնին այնքան անկախ կզգային, որ առանձին հարաբերություններ կհաստատեին Բյուզանգիոնի հետ: Կոստանդին Սիրանածին, հայազգի վասիլի թոռը, ատոնց անուններն ու տիտղոսները մեզի պահած է ըստ «Կայսերական արքունիքի գիշանագրքին»:

Հայ Եկեղեցին ալ ունեցավ իր նեղության օրերը: Հույն ուղղափառությունը՝ կայսրության ուժերուն վրա կոթնած, որևէ առիթ չէր փախցներ վերսկսելու համար իր հարձակումները Հայ Եկեղեցիի անկախության դեմ:

Այս վերջինը ուժգնորեն պաշտպանեց ինքինքը և պահպանեց իր ավանդույթները, վարդապետությունները (dogme), ծեսերը և ամեն ինչ, որ աղքային անհատականությունը կկազմե: Մեկե ավելի անգամներ, իր հմուտ վարդապետներն ու համբավագոր աստվածաբանները մայրաքաղաք կանչեցան, ու հոն կայսերական ժողովին առջև հայկական դատը

պաշտպանեցին: Ո՞չ հրապուրիչ առաջարկներ, ո՞չ սպառնալիքներ կարող եղան անոնց Համողումը խախտել կամ անոնց քաջությունը թուլացնել:

Հայ Եկեղեցիին պարծանքն է ամեն տեսակ հալածանք կրած ըլլալը պաշտպանելու Համար ինչ որ Կնկատեր իր հայրերեն իրեն թողված նվիրական ու անբռնաբարելի ժառանգություն մը:

Այդպիսի դիմացկունության մը և անոր պարտադրած զոհարերությանց արդյունքը եղավ ծաղկումը, Եկեղեցիին ծոցին մեջ, դրականության մը և արվեստի մը, որ հայոց կիբեռապահեն պատվագոր տեղ մը քաղաքակիրթ Արևելքին մեջ, ճոխ ու այլազան դրականությունը, պատմական, աստվածարանական, վարդապետական, իմաստասիրական, և արվեստը, մանավանդ ճարտարապետությունը, կազմության մեջ ինքնատիպ և գործադրության մեջ ազնիվ:

Մեկ խոսքով, Հայաստան իր ճիկերը պսակեց քաղաքականությամբ մը, որ ծաղկեցավ վերոհիշյալ տասներկու իշխանապետությանց մեջ և որ կընա Բագրատունյաց կոչվիլ կարեորագույն թագավորության անունով: Անի քաղաքը, վառարան այդ քաղաքակրթության, իր վեհափառ ավերակներով այդ շիջած քաղաքակրթության շքեղությունը կվկայե:

Այսպես եղավ բնաշրջությունը արևելյան կամ պարսկա-արաբական Հայաստանին: Բայց Բյուղանդական Հայաստանը ի՞նչ կներկայացներ նույն ժամանակաշրջանին:

Աստվածաշունչի թարգմանության միջոցին Բյուղանդական Հայաստանը մասնակցեցավ այդ գրական շարժման: Մաշտոցի գլխավոր աշխատակիցները Բյուղանդական Հայաստաննեն էին, այսինքն՝ Եկեղեց գավառն, Դերջանն, Խորձեանն, Պաղինականն և Տարոնն, Մաշտոց ինքն իսկ Տարոնն էր: Հուսարենը Հայտնապես ավելի ընտանի էր այդ շրջաններու մեջ, Հայաստանի բաժանումնեն իսկ առաջ բյուղանդական երկիրներու դրացնության պատճառով: Այդ տեղվանքի թարգմանիչներն ուրեմն ավելի լավ պատրաստված պիտի գտնվեին:

Ատեն մը ետքը. Բյուղանդական Հայաստանը կթվի այլես չհետաքրքրվիլ սահմանին մյուս կողմն անցած-դարձածով: Անիկա հոգածու չերեար ազգային հարցերուն հանդեպ, ինչ ալ ըլլան անոնք: Ան ոչ մեկ հեղինակ տվակ հայ դրականության, ոչ ալ որևէ կրօնավոր կաթողիկոսական աթոռու գրավելու արժանի:

Բյուղանդիոն, Հուստինիանոսի օրերեն իսկ, կձգտեր Հայաստանի այդ մասը իրեն կապելու և հայերը կայսրության կյանքին ու շահերուն շրջանակին մեջ միախառնելու: Ավատական կազմակերպությունը կամաց-կամաց կործանեցավ և երկրին իշխաններուն հրավեր եղավ իրենց կալվածները փոխանակելու արքունիքին և պետության մեջ պատվակալ պաշտոններու հետ: Գաղթականական հոսանք մը ատկից ծայր տվակ գեպի Բյուղանդիոն, մեկ դարեն մյուսը ավելի ներուժ դառնալով: Ինչ ալ ըլլային այն պատճառները, որ հայերը դեպի Բյուղանդիոն կմղեին, պետք է հաշվի դնել հրապույրը զոր կ'ընծայեր Բյուղանդիոնն այդ թվականին, իբր կայսրություն մը տիեզերական նկարադիր զգեցած և աշխարհաքաղաքիտական իդեալով մը ոգեսրված:

Նոր Հռոմի մեծ հիմնադրին Կրազր լավ թարգմանված է իր բարեկամին՝ Կեսարիո հմուտ և պիտի կոպոսին**, ձեռքով։ Հեթանոս աշխարհը, ըստ իրեն, ենթարկված էր զանազան իշխանությանց. ատկից առաջ կուգային թշնամությունը, ստրկությունը, ամեն կերպ ցավեր։ Պատմաբանները ջանացած են ատոր պատճառները դտնել։ Ստույգ է՝ վերջապես, թե այս բոլորը արդյունքն է բազմաստվածության մոլոր ոգիին։ Անմիջապես որ Քրիստոսի հավատքը հաղթանակե, այդ բոլոր ախտերը, դիվային արտաշնչումները, պետք է անհետանան, ու միևնույն ատեն կառավարության բաժանումը զանազան վեհապետներուն միջն կերջ պիտի դտնե։

«Հիմա, որ միակ Աստված մը հոչակված է, ըսակ ան, միակ կայսրություն մը պետք է աշխարհը կառավարե՝ Հռոմեացվոց կառավարությունը։ Քրիստոնեական հավատքը և Հռոմեական կայսրությունը կը կազմեն երկու ընձյուղ միևնույն ատեն ըուսած կարծես երկնային հրաշքով մը մարդկությունը հովանավորելու համար։ Գոյություն ունեցող բոլոր տերությունները, Սուրբիո, Ասիո, Մակեդոնիո, Եղիպտոսի, Արաբիո, Պաղեստինի մեջ, այսուհետև միակ միություն մը պիտի կազմեն։ Բովանդակ աշխարհը միակ ազգ մը պիտի դառնա, մարդկությունը պիտի համախմբվի իբր միակ ընտանիք մը միակ մականի մը տակ, հելլեններու և բարբարոսներու միջն առանց որևէ խտրության»։

Ասիկա բորբոքյալ հողիով վանականի մը երազը չէր։ Նոր կայսրությունը այդպիսի առաքելության մը կհավակներ արդարեւ ու կխորհեր զայն իրականացնել քրիստոնեության հիմունքին վրա աշխարհաքաղաքացիական տերություն մը ստեղծելով։ Բյուզանդիոնը ոչ հռոմեական կայսրություն մը սլիտի ըլլա, ոչ հունական կայսրություն մը։ Ան պիտի ձեացնել լայն կազմակերպություն մը համաշխարհային բնույթով, զանազան ցեղերու և լեզուներու պատկանող ժողովուրդներու համադորժակցության վրա հիմնված առանց ազգային նախապաշարման։

Բյուզանդական Հայաստանը մին եղավ այն երկիրներեն, որոնք ինքնինին ի սպաս դրին այդ քրիստոնյա կայսրության։ Փոքր Ասիօ ժողովուրդներուն մեջ, որոնցմե կայսրությունը պիտի քաղեր իր կենդանի ուժերը, ոչ մեկը ավելի կամ նվազ որոշապես սահմանված ազդային մարմին մը կներկայացներ, կամ ինչ-ինչ ավանդություններով ողերզիած կերևար, կապադովկիա, Լյուդիա, Փոյուղիա, Գաղատիա, Պաֆլադոնիա, Պիսիդիա, Իսակըրիա և ուրիշ շրջաններ շատոնց կորսնցուցած էին իրենց ազգային դիմադությունը։

Այդ անվերասլահ և կրավորական զանդիքածին վրա կկանդներ գործուն ու ձեռներեց մտքով հույն տարրը։ Հպարտ անցյալով մը, որ մեկհատիկ է մարդկային պատմության մեջ, զինված լեզվով մը և մշակութով մը, որ համաշխարհային դարձած էին հելլենիստիկական ժամանակաշրջանեն ի վեր, հույները ունեին բոլոր առավելությունները կայսրության մեջ առաջին կարգն անցնելու համար։

Բայց բան մը կպակասեր իբենց որպեսզի բոլորովին տեր դառնային Բյուզանդիոնին։ Շատոնց ի վեր քաղաքաբնակ դարձած, ճարտարարվես-

** Այսինքն՝ եվսեբիոս Կեսարացու։

տական կյանքին վարժված, հույները կ'երևա, թե կորսնցուցած էին զենքի սերը: Ամեն պարագայի մեջ, իրենց զինվորական կարողությունները չէին հավասարիր այն համբավին, զոր ունեին գործունեության մյուս ճյուղերուն մեջ:

Արդեն իսկ Հուստինիանոսի օրով, հոռի զինվորները պարսավելու համար, զանոնք «յոյն» կկոչեին, որպես թե ոչ մեկ քաջ բան, ինչպես կ'ըսե ժամանակին պատմիչը ^{***}, կարենար ելլել այդ ցեղեն:

Հայերը սլիմի լրացնեին ինչ որ կպակսեր հույներուն տոկուն լեռնականներ, զորեզ ու հուժկու, օժտված տպավորիչ ֆիզիկականով մը, զենքերու գործածության մեջ քաջավարժ, անոնք ունեին հարկ եղած հատկությունները բանակը վարելու և զայն հաղթանակի առաջնորդելու համար: Իրոք ալ Բյուզանդիոնի զինվորական հանճարը ծնունդով ու ծագմամբ հայ զորավարներով է ներկայացված:

Զինվորական կարողությունն է դարձյալ, որ դահուն բախտը կվճռեր, երբ ան խախտած էր: Ուստի և կտեսնենք, որ հայ ուազմիկները կփառասիրեն կայսերական թագին տիրանալ ու կհասնին ատոր և մեկե ավելի անգամ տեական հարստություններ (*dynastie*) կհիմնեն:

Հիմա դիտենք, թե Հերակլիոս, Բյուզանդիոնի ամենեն նշանավոր կայսրերեն մին, հայ էր, ծնած Թեոդոսուպոլիս, որ մեր օրով էրզրում կկոչվի: Հարստությունը զոր ան հիմնեց, պեաք է ուրեմն առաջին հայ հարսաւթյունը նկատվի:

Մեծանուն արևելագետ Սեն-Մարթենը կկարծեր, թե իսավրյան հարստության հիմնագիրը, Լեռն, նույնպես հայ էր ծագմամբ, թեոփանոս ժամանակադիրը շփոթված ըլլալու էր Գերմանիկը, այժմ Մարաշ, որ Լեռնի ծննդավայրն է, Գերմանիկոսլու հետ, այժմ էրմենեք, իսավրիո մեջ, և սիալմամբ անոր տված ըլլալու էր իսավրացի մականունը: Լեռն սկսավ պատկերամարտ քաղաքականությունը, իր փեսան էր Արտավազդ Հայը, և իր զարմիկը կկրեր Սիսինագիոս անունը որ ոչ հունական է ո՛չ սուրբական, ասոնք իրողություններ են, որ ուժ կուտան Սեն-Մարթենի հայտնած կարծիքին:

Իսավրացիներեն հետո հայերն են միշտ, որ գերագույն իշխանությունը իրենց ձեռքը կպահեն: Միքայել Թղվատ, աննշան ծագումով մարդ մը, սպանեց Լեռն Հայազդին, բայց հայերը իր կողմը քաշելու համար խնամություն հաստատեց հզոր ընտանիքին հետ Մարինոսի, որ Մամիկոնյանց տոհմեն պատրիկ մըն էր: Մարինոսի գուստը, գեղեցիկ թեոդորան, դահուն վրա է, անոր շուրջ իր հորեղբայրը Մանվել, ժամանակին առաջին զորավարը, իր երկու եղբայրները՝ Բարդաս (Վարդ) կեսար և Պետրոնաս, իր փեսան կեսար Ալեքսիոս-Մուսելե (Մուշեղ), իր երկու քույրերուն ամուսինները, Արսաքեր (Արշագիր) և Կոստանդին Բաբոցիկ, բոլորն ալ կկազմեն այն վայլուն դեմքերը, որ կայսրության ճակատագիրը կվարեն:

Վերջապես կ'երևա Վասիլ, հիմնագիրը ամենեն փառավոր հարստության, որ Մակեդոնական կ'անվանվի և իրապես հայկական է, և որու

*** Այսինքն՝ Պոկոպիոս Կեսարացի:

տեղության միջոցին կայսրությունը իր զինվորական ու մշակութային մեծության դագավթնակետը բարձրացավ:

Իսամպո, անվիճելի հեղինակություն, Վասիլի Հարստության նվիրած իր մենագրության մեջ հաստատեց, թե Հայերը ժարուն տեր դարձած էին կայսրության, թե ամեն տեղ Հայեր միայն կտեսնվեին: Վասիլի հետ իրենց երեսումն ըրին այն հզոր հայ ընտանիքները, ինչպես Լեկապենոս, Գուրգուաս (Գուրգեն) կամ Զմշկիկ, Փոկաս, Սկլիռոս, որոնք իրենց հերոսական ժեսթերով ստեղծեցին մեծ դյուցազներգությունը, հավիտենական փառքը Բյուզանդիոնի:

Հոս տեղը չէ պարզելու երկար ու շարունակական շղթան հայ դեմքերուն, որ իրենց փայլով կլեցնեն կայսրության ալատմությունը Զ դարեն ԺԲ դարը, ոչ ալ դնահատելու այն անսահման ծառայությունները, զոր հայերը մատուցած են պետության հանրային կյանքի բոլոր մարդերուն մեջ: Հիշեցնենք միայն, որ նույնիսկ Թ գարու հելենական դիտությանց և հելեն մշակութիվ վերածնունդը հայոց գործն է: Վարդաս կեսար Հայն է, որ հիմնեց առաջին համալսարանը Կոստանդնուպոլսո մեջ և զայն դրավ դեկափարությանը տակ Լեռն իմաստասերի, որ ինք ալ հայ մըն էր, հռչակավոր թե՛ իբր մաթեմատիկոս և թե՛ իբր հելենագետ:

Լեռն եղբարորդին էր Հովհաննես Քերական պատկերամարտ պատրիարքին, ուսումնական անձ մը, որդի աստղաբաշխ Բագրատի, ուրեմն հայու մը:

Պատրիարքը ուներ եղբայր մը, որ կկոչվեր Արսաբեր (Արշավիր), որուն քաղաքամերձ պալատը ժամադրավայրը եղավ գրական աշխարհին: Անշուշտ այդ սալոնին մեջ է, որ կազմված է, ի միջի այլոց, Համբավավոր Փոտը՝ Կ. Պոլսո պատրիարք և պարծանք օրթոդոքս եկեղեցվո: Ան հայ էր իր մորը կողմե, որ էր իռենե, քույրը Աբսաբեր հայազգի բարձր պաշտոնատարին, Թեղողորա կայսրուհիոյն քեռայրին:

Վերջապես Զ դարեն ԺԱ դար, մինչեւ հայ հարստության վախճանը, Հայերը փառավորապես ծառայած են կայսրության և զայն դարձուցած են քրիստոնեական քաղաքակրթության ախոյանն ընդդեմ մահմեդականության:

«Առանց հայազգի Վասիլին, կ ըսե հայտնի բյուզանդագետ մը, իսլամությունը եվրոպայի վրայեն պիտի անցներ, քարուքանդ ընելով ամեն ինչ որ զայն այսօր ելլադայի և Հռոմի դուստրը կը կացուցանե»:

«Առանց հայ զորավարներու, Բյուզանդիոն պիտի կործաներ բարբարոսներու հարվածներուն տակ: Մանը բոպեներուն, հանկարծ երևան կուգար Հերակլ մը, Վասիլ մը, Զմշկիկ մը, Փոկաս մը, որ այդ Հոգնած քաղաքակրթության նոր թարմություն մը կուտար և այն ատեն կայսրությունը, այդ ծեր կինը, ըստ բյուզանդացի պատմագրի մը բացատրության, կ երեար ինչպես մանկամարդ աղջիկ մը ոսկիով ու թանկագին քարերով զարդարված»:

ԺԱ գարուն մեծտեղը, մեծ փոփոխություն մը առաջ եկավ: Հայկական հարստությունը կշիջանի և բուռն հակազդեցություն մը կշղթայազերծվի

**** Այսինքն՝ Ա. Վոկթ:

***** Այս հատվածին հելինակն է Ռամպո:

հայերու դեմ: Ատիկա արդյունքն էր հույն ազգայնամոլության, գեշ նշանի մը տակ արթնացած և, որ պիտի խաթարեր կարավոր բարի ավանդությունները և պիտի դորդեր կայսրության շնչքը: Այդ այնքան հրաշալիորեն պատղաբեր գործակցության անխուսափելի խզումը չուշացավ իր անդրադարձումն ունենալու կայսրության ճակատագրին վրա: Կայսրը, որ իրարու հաջորդեցին այն ատեն, անկարող ու անարժան՝ Վասիլի Ժառանգության, փոխանակ ջանալու դարձմանումը գտնել հույներու և հայերու միջև ծագած աղետաբեր պառակտումին, բազմավնաս այդ ուղղությունն ընդգրկեցին, առանց գիտակցությունն ունենալու իրենց քաղաքականության ծանրակշիռ հետևանքներուն: Բյուզանդական իշխանությունները սկսան բուռն հարձակումներ գործել Հայ Եկեղեցին դեմ և անխղճորեն աշխատեցան կործանել Հայ իշխանությունները՝ այն միջոցին, երբ Մելճուքյան հրոսակները Հայկական բարձրավանդակը կմագւցեին:

Ատիկա ստիպեց հայերը Բյուզանդիոնին կոնակ դարձնելու, իրենք իրենց մեջ ամփոփվելու: Իրենց ճիգերը համախմբեցին՝ սեփական քաղաքական վառարան մը ստեղծելու համար:

Քաջ Փիլարետը, կյուրապաղատ, բարձր պաշտոնատար արքունիքին և նախկին սպասավոր Սքոլներու, այսինքն ընդհանուր հրամանատար բյուզանդական բանակին, քիչ ժամանակի մեջ աջողեցավ իրեն համար կազմել ընդարձակ պետություն մը, որ Մելիտինեն կտարածվեր մինչև Անտիոք:

Ուրիշ Հայ մը, որ նույնակես կայսրության ծառայողներեն էր, Ռուբեն գորավարը, միկնույն ատեն քաշվեցավ Կիլիկիա, և Տավրոսի լեռներուն մեջ հիմնեց ավելի ամուր իշխանություն մը և Հայկական մշակույթի նոր վառարան մը:

Հայերու խուժումը դեպի մայրաքաղաքը դադրեցավ: Բյուզանդիոն այլևս չտեսավ ժայթքիլն այդ աղբյուրին, որմեն իր մեջ հոսած էին այնքան կենսական ուժեր և զոր ինքն իսկ ցամքեցուցած էր: Կայսրության ծոցին մեջ Հայ-Հույն համերաշխության խզումը կնշանակեր այն թվականը, ուր Բյուզանդիոն սկսակ սահիլ դեպի անկում:

Կ. Պոլսո մեջ՝ Թոռնիկ Հայազգի ընտանիքին վերջին անդամներեն մին, Թեոդորոս Թոռնիկ, արդեն 1261-ին կնախատեսեր, որ թուրքերը օր մը պետի տիրանային Կ. Պոլսին և ամբողջ Կայսրության:

Այս Հակիրճ բնդհանուր տեսությունը կրնա ամփոփվիլ սապես. Հայկական անցյալին որոշ մեկ ժամանակաշրջանին, ժամանակաշրջան, որ մեկեավելի տեսակետներով նշանավոր է, կրկին հոսանք մը կտրեց անցավ Հայկական պատմությունը, մին ազդային հողի վրա, մյուսը աշխարհաքաղաքացի ոստանին մեջ, մարդկության ծառայելու որոշ եղանակներով՝ ազգային շրջանակի մեջ կամ անկից դուրս: Հետո կտեսնվի, որ այդ հոսանքներեն մին, աշխարհաքաղաքացիությունը, ձախողվածի մը կ'ենթարկվի կամ հույն ազգայնամոլության ձեռվ կ'այլասերի: Հայերը, երկար ատեն ու լայնորեն շռայլել հետո իրենց լավագույն ուժերն ի սպաս աշխարհաքաղաքացի պետության, զիրենք ստիպված զգացին ազգային երդիքը դառնալու:

Արդ, այս հանդիսավոր օրվան մեջ հավաքված ենք, նախ կատարելու համար պարտականություն մը, այն է մեծարանքի հարկ մատուցանել հիշատակին անոնց, որ 1500 տարի առաջ բարոյական հիմք դրին մեր պատմական գոյության։ Հետո ինձի կթվի, թե այս հանդեսը կրնա գործնական որոշ օգտակարություն մըն ալ ունենալ, պայմանով որ պատրաստ ըլլանք անցյալին փորձառությունը գնահատելու։ Մենք ի հայտ բերինք գոյակցությունը երկու հոսանքներու, որոնք իբր հիմ ունին երկու հակընդդեմ սկզբունքներ։ Այժմ ալ, այդ երկու սկզբունքները իրարու դեմ կովի մեջ են, մեկ կամ մյուս կերպով, երբեմն՝ ծայրահեղության մղված ձեռով, քաղաքակիրթ աշխարհին մեջ։

Անցյալի փորձառությունը, որուն կ'ակնարկենք, պետք է մեզի օգնե, պետք է օգնե մանավանդ մեր երխտասարդության, որ մասամբ որբ է, իր բախտին ձգված և բոլոր վտանգներուն ենթարկված, այդ այնքան հրահանգիչ փորձառությունը պետք է, որ անոր թույլ տա հաստատակամ ու գիտակից ընտրություն մը ընելու երկու ուղղություններու միջև, որպեսզի ազգային շրջանակին հարի և հաստատ պահպան ինչ որ կիսորհրդանշե մեր ազգությունը լեզու, կրոնք, ծես, ավանդություններ։

Թող այս օրվան հանդեսը և Սահակի ու Մաշտոցի հիշատակը մեզ բոցավառեն նոր եռանդով մը՝ հավատարիմ մնալու համար այն ժառանդության, զոր անոնք մեզի թողած են։ Այդ ժառանդությունը նկատենք իբր տապան մը այս ալեկոծ օտար ծովերուն վրա, այն դժնդակ պայմաններուն մեջ, ուր կ'ոգորի մեր ազգային կյանքը, և ՀՈՒՍԱՆՔ^{*****}, ՈՐ ՕՐ ՄԼԱՅԴ ՏԱՊԱՆԸ, ՀԱՐՈՒԹՅՈՒՆ ԱՌԱԾ ԱՐԴԱՐՈՒԹՅԱՆ ՇՈՒՆՉԵՆ ՄՂՎԵԼՈՎ, ՊԻՏԻ ԻՃՆԵ ԱՐԱՐԱՏ ԼԵՐԱՆ ՎՐԱ ԵՎ ՄԵԶԻ ԹՈՒՅԼ ՊԻՏԻ ՏԱ ՎԵՐԱԿԱՆԳՆԵԼ ԱՎԵՐԱԿՆԵՐԸ ՄԵՐ ՀԱՅՐԵՆԻՔԻՆ, ՈՐ ԼՔՎԱԾ է ԱՅՍՈՐ, ԲԱՅՑ ՈՉ ՄՈՌԱՅՎԱԾ^{*****}։

***** Ընդգծված ամբողջ հատվածը դուրս է մնացել «Յուշարձան» ժողովածուի հրատարակությունից։ Ստորև տրվող «Անահիտի» խմբագրության ծանոթագրությունը կարող է լույս սփռել նման կրծատմանքների վրա (Պ. Ն.)։

***** Այս ճառին արտասանված օրը, վերջին պարբերությունը ունկնդիրներեն ոմանց այնպես կարծել տվեր էր, թե բովանդակ հայ ժողովրդի այժմյան ազգային կյանքն է, որ հոն «դժնդակ» ածականով, կ'որակվեր և թե «լքված, բայց ոչ մոռացված հայրենիքի պվերակներու ապագա վերականգնման» մասին հայտնված լույսը կվերաբերեր Խորհրդային Հայաստանին։ Այդ մեկնությունը անճիշտ է, ինչպես հեղինակն ալ, երբ իրեն հաղորդեցինք այդ կարծիքը, ըսակ մեղի։ Հայրենիքեն հեռու օտար երկրներու ցոված հայոց կյանքն է, որ ան կգտնե դժնդակ։ երբ կճշտ, թե «վերակենդանացման արդարության տապանը օր մը Արարատին՝ այժմ թուրքերու ձեռք անցած Արարատին, վրա է, որ պիտի իջնե», հայտնի է, որ չի կրնար այնարկել մեր այժմյան Հայաստանի Հանրապետության, որ լքված ըլլալ հեռու, մեկ միլիոն կենդանի, աշխատող, արտադրող հայերու բույնն է։ այլ հայերե ու հայ կյանքը բոլորովին պարզված, բայց վտարանդի հայերե երբեք չմոռացված այն հայկական նահանգներուն, որ մնացին կամ տասնհինգ տարի առաջ նորեն անցան թուրք լուծի տակ (Մ. Խ.)։